

中國方志叢書·華北地方·第五三二號


據

民國·萬廷樹修，洪亮吉纂
民國二十三年刊本

影印

陝西 省

淳化縣志



成文出版社有限公司印行

skd/61



10096374

在文川網搜索古籍書城 獲取電子書
入證商家
www.wenjuan.com
文川網古籍書城

中國方志叢書·華北地方·第五三二號

據

民國·萬廷樹修，洪亮吉纂
民國二十三年刊本

影印

陝西 省

淳化縣志



SK45107

成文出版社有限公司印行



10096373

中華民國六十五年 月壹一版

淳化縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第 一 一 四 七 號

docsriver 文川网
入驻商家 古籍书城

在文川网搜索古籍书城 获取更多电子书

續印淳化縣志序

民國紀元之九年余來長淳化在任期年維時戎馬倥傯諸未
遑舉二十二年春再蒞斯邑去向時僅歲星一紀而人事風物
迥異曩昔詢其變遷之故父老者舊尙有能道其所以然由是
遞演物換星移老成彫謝後之來者其將何以爲文獻之徵考
耶是則縣志之所繫大矣哉雖然志者史之類世紀往事以昭
來茲備觀感而資勸懲非擅學識才三長者不能辦尤非物阜
民康不遑辦淳邑僻在山陬頻年災荒民力凋敝甚於他邑官
斯士者方勞徠安集休養生息之暇曷遑謀及修志而急其
所可緩者耶乃省垣開館纂修通志分徵各縣志書用備參考

中央且編製各項統計又紛函索取省縣志乘冀明瞭地方實況而邑人士亦欲各守一編藉便觀覽往年溫前任所印已無存餘以資應付於是續印縣志之議起幸今歲兩陽時若百穀用成爰商諸紳耆仿照前例集資續印以廣流傳亦告朔餼羊之意也一切記載悉仍舊貫但將溫製戶口田賦兩表就現在之實數與折合之準則略事變通而修改之蓋一係民生一關國計焉甫閱兩載卽非舊規噫可以觀世變矣因書其顛末弁諸卷首時

中華民國二十三年八月淳化縣縣長臨潼郭宇晴撰

重印淳化縣志序

淳化之有志昉於明正德間聞僅有鈔本隆慶時已失存邑先達中丞羅公廷繡及其弟太守公廷紳始復創修鐫版都八卷時在隆慶四年四月後百三十餘年至康熙四十年辛巳知縣事長洲進士張如錦倬庵奉其太翁循齋先生命重修之迨乾隆四十八年癸卯距康熙辛巳又經八十餘載鎮洋畢秋帆中丞屬常州洪孝廉稚存再爲纂次時知縣事者爲南昌萬廷樹澄埜襄其役成志凡十又八卷卽今抱殘守缺所奉爲底本者是也嗚呼計自乾隆癸卯之明年起至民國十九年止更閱春秋一百四十有七地方官紳非無意於續修此志者然或有志

未逮或因故中輟迄未實見良用慨然容冬余承乏斯邑卽事
搜求僅得兩半部殘編斷簡刻錄不全而舊存鐫版亦散佚殆
盡遂急謀重修顧大亂甫平天祿未已救生恤死他顧未遑適
國府省府令徵縣志不能不力圖報命乃于案牘餘暇彌補校
勘湊成完璧並增製最新淳化縣全圖暨劃編區鄉鑑問鄰清
查戶口田賦現狀等表勉籌款項先付排印二百部非徒應徵
求之命亦藉保百餘年前一邑之文獻也至其重續則請俟諸
後之君子

中華民國二十年五月署理淳化縣縣長韓城溫偉君偉序

淳化縣住戶戶口統計表

淳化縣縣長郭宇晴監製

區別	聯保數	保數	甲數	戶數	現任人數		不識字人數	無職業人數	老弱人數	壯年男子數	備考
					女	男					
第一區	六	二八	二八	三〇六	女 六三七六	男 七七二六	六三四七	九	三五二	四〇五	
第二區	六	三一	二七	二七八	女 六〇七	男 七〇〇二	六一三	四	二八六五	四二五	
第三區	六	三四	三八	三三三	女 八六一四	男 九八一六	八五二〇	九	三九六七	五八二	
合計	一八	九三	八三	八九五	女 二〇九〇	男 二四五六	二〇九〇	一九	一〇三三四	一四二〇二	
附記											

中華民國二十三年

月

日

淳化縣持戶戶口統計表

淳化縣縣長郭宇晴監製

區別	第一區			第二區			第三區			共計
	船戶	寺廟	公共處所	船戶	寺廟	公共處所	船戶	寺廟	公共處所	
戶別										
戶數	二	二	八	二	二	二	二		四	二二
現住人數	男	六	二六	七	二六	二六	四		一三	三九
	女	三	三	一	三	一	三		三	一七
不現住人數	男	五	三	三	三	三	三		八	二九
	女	三	三	三	三	三	三		三	一七
合計	四	四	一六	六	六	六	六		一六	五二
考	二	二	二四〇	二	二	二	二		七	三六

附記

中華民國二十二年 月 日

淳化縣田賦現狀一覽表

民國二十二年九月

淳化縣縣長郭宇晴監製

款目 每石折合洋 全年額征 荒地免征 實應征 備 考

地丁 三五五五七 三五三〇三 六五八二 三六〇二四二
按舊則每土糧一石折征銀一兩三錢一分五厘
 一毫按新合洋一元五角四分五厘三毫七絲

鹽課 〇二七二八 二七六六五 二〇五六五 一〇七三二〇五
每土糧石折征銀六毫按新合洋每石七分五厘

合計 三六六一七 三六三三三 七六三三五 三六九七三三七

馬廠 每畝征洋二分八厘 一〇五・五〇一

(注意) (右表以元為單位)

附六里土糧數目表 (本表以石為單位)

里別	南陽里	永濟里	懷德里	安土里	集義里	向化里	合 計
土糧數	二二二・七三三	一〇〇・四九九	一五九・九三三	一〇六・九三三	三三六・三二八	二七九・三三五	六六四・六一九四

淳化縣民國二十三年分經徵各項稅額表 二十三年九月

稅收名稱 全年額 征數 經徵情形備考

畜產稅

五十七百二十元

(本年免額)

畜稅係按牲畜價值徵收每頭牛徵洋五角
房稅係對於房屋徵收每間洋四角半至一元
斗捐係對於食糧徵收每斗徵洋四角

牙稅 三百元

全縣各行承徵牙稅共計洋二元
按上下季分征

契稅 一千元

契稅收數本無一定約計如上數

印花稅 一千二百元

係奉令每月預推銷票面洋一百元

以上合計 八千二百二十元

淳化縣志序

淳化爲今陝西下縣於漢則三輔名邑也司馬遷班固皆云黃帝萬靈明庭在焉漢王褒有雲陽宮記揚雄有甘泉宮賦世所豔稱爲淵雲詞賦者均萃於此縣其爲靈勝何如哉至宋而宋敏求長安記程大昌雍勝略搜采廣博尙校有明所脩縣志爲詳余自壬辰歲開府西安於關中州縣之志皆次第脩舉獨淳化以僻在衆山中民俗凋敝不欲有所創造以動衆然前以公事至縣覽其山川訪其基址未嘗不致意久之歲壬寅邠州及所屬三縣有重脩志乘之請適常州洪孝廉稚存來客西安余因以屬之孝廉精於史學所脩州縣志

皆一以史例編之志成凡十八卷余又以十年來所聞見而
欲訂定者爲增益十數條於是此書之成其詳核可繼長安
志雍勝略二書非世所傳明康海武功志韓邦靖朝邑志等
所可比矣知縣萬令廷樹宰是八年亦能以儒學節吏治者
且其挑纂搜輯於是志之成實有力焉例所得附書也乾隆
四十八年歲在癸卯夏五月

賜進士及第兵部侍郎都察院副都御史巡撫陝西西安等處
地方贊理軍務兼理糧餉鎮洋學沅撰

新修淳化縣志序

志以傳信非以傳疑邑志與國史體微異而用則一也粵稽淳邑於漢爲三輔名區歷唐宋元明則有上中下之別至國朝而復爲中縣其戶口之多寡蓋自秦徙雲陽五萬家以後盛於漢滅於隋唐又滅於宋元迄明季而戶口之存視漢十不及四迨我

國家涵養休息百有餘年而民之逃亡戶之廢敗者始稍稍軼有明而復宋元之舊較隋唐則尙減焉此今昔盛衰之異致也然靈蹟勝概尙克弁冕關中故言其神則明庭秦時之所在也語其異則休屠徑路之所祠也其山陵則有秦皇漢武

之築宮焉其川渠則有白公鄭國之遺績焉王褒頌之於前
子雲賦之於後於是而偏隅一邑荒窄遙遠之鄉藉山川志
靈異者卓然與長安諸縣競騰則志斯邑者實不容緩焉舊
志成於康熙辛巳長州張君之手分門別類條理井然較勝
於關中諸州縣志惟病其徵引舊聞不著所出又或採自流
傳不合之於紀載以相印證是則斯志之徵有未善也歲在
壬寅上距康熙辛巳又閱八十餘載中間之遞傳遞增所應
編輯者復若干軸通常州洪孝廉稚存客關中余商於
州守延修是邑新志共襄其事越五月而志成凡十八卷爲
記八爲簿二爲志五爲略三於古今沿革山川形勝以迄道

里遠近祠廟興廢數十年來之忠孝節義幽人烈女廣搜博採詳加考核未敢云盡善也然視舊志稍過之書將付梓洪孝廉曰序而行之是守土者之事也夫余以樗櫟散材黽勉効職八年於茲矣余雖不敏退食之暇嘗纂其大要寄之篇章以志八年中與民相安無事之樂今得襄是書之成而爲之序庸非守土者之厚願乎抑余又有望於後之官斯土者稽丁戶之登降則思培養之宜先覩勝蹟之傳流則思修舉之難緩念人物之遞盛則思表彰之靡遺俾是書之所載者皆形之實事而不托於空言則又序是書者之志也夫時

乾隆四十八年癸卯夏五月

docsriver 文川网
入驻商家 古籍书城

在文川网搜索古籍书城 获取更多电子书

教授文海部知淳化縣事南昌萬廷樹澄林譚

淳化縣志舊序一

從來官一方者必察一方之風俗與夫山川形勢城郭宮室
土田物產以及古今孝子忠臣節婦文人武士莫不筆之於
書載之於記蓋非以傳疑而要以傳信也淳邑古稱雲陽宋
曰淳化原隸鳳翔明初改隸西安舊有縣志鈔本行世自

國朝戡定以前兵燹蹂躪版牘散佚前後編次訛錯者歷有年
所姑蘇張令來宰茲土爲政優游於民不擾且有志於古起
而修之於是延諸生之有學行者分條給札詢謀僉同閱五
月而工告竣書成請序於余余曰志與史雖有大小不同然
其理則無異凡志之所載在乎考核詳明所以勵人心厚風

俗也故貴有作志之才作志之學而尤貴有作志之實張令
爲此殆將以鼓舞民人興起其爲善去惡之心固信以傳信
豈疑以傳疑耶余恭膺

簡命由觀察歷藩伯晉開府五載以來凡秦中官吏之賢否人
物之淑慝常往來胸臆間今張令果能以作志之心推之化
民成俗將見淳之士皆秉禮度義淳之里皆長幼和孝慈于
家而淳之婚嫁飲食皆返淳還樸幾有豐鎬之遺風長享樂
利以共游於

聖天子太平之盛世斯志也其裨益於世道人心者詎不偉哉
是爲序告

康熙四十一年歲次壬午春王正月上元日

巡撫陝西等處地方贊理軍務兼理糧餉都察院右副都御史加四級又加軍功五級紀錄十一次鄂海題於青門官廡
舊序二

邑之有志與國之有史體微異其所以興利除害勸善懲惡爲用則一也漢孫張公宰淳化奉侍循齋先生於署蓋孝子之志爲民父母之道也循齋先生博綜經史爲吳中冠而宅心制行慈且儉有合於古之聖賢漢孫公奉訓爲政廉明仁恕聲溢鄰封老夫越在華山之下固習聞之夫淳化古雲陽之墟是程邈之所作小篆者也然地瘠民貧近代以來屢逢

兵燹兼值旱荒偷薄日甚而禮樂文章之治賴二三君子維持不墜顧志書散佚無爲理也久矣循齋先生於學道之餘日事編摩延攬俊髦搜訪遺失斷者續之缺者補之於山川向背風俗得失錢穀戶口之豐歉人才物產之盛衰亦旣犁然而於古今詩文采輯辨別益復斐然昔澠西志武功藝林稱善然爲未完之業不無餘憾今得淳化一償之可以質之而無媿也已憶與定交慈仁邸中忽三十餘年間過吳門得見漢孫公自少及壯夙有家學今以豈弟之德撫凋劫之區捐俸梓本不以徵民而田疇殖置子弟教誨庶幾有漁陽爲政樂不可支之頌焉行以治行膺不次之擢爲


天子侍從臣遠猷計謨可以泐鐘鼎而被管絃區區邑志特其一班老夫雖耄尙願扶杖以觀其盛也康熙辛巳中秋華陰八十老民王宏撰序

舊序三

雍州古稱神臯奧區水深土厚形勝甲於天下

皇朝奠定以來凡山川土俗具載陝西通志淳化西北一小邑也而山靈鬱結流爲甘泉自漢訖今夙著名勝在昔宋太宗再改元淳化以立邑命名夫以葢爾郊原而聞其名思履其地比諸里稱勝母水號貪泉其人民謠俗由來殆必有異康熙己卯冬余捧檄受任念幽風邇雨之遺猶使人咏歌而想

見之也因取舊志先爲檢閱志創於明隆慶四年不特聚梨
殘缺點畫漫漶而其後百三十餘年之文獻俱湮沒莫考不
禁掩卷太息志者所以廣通志所未詳而爲一邑記載之典
歷久漸忘後將奚賴焉時奉家君定省署中越數月餘錢穀
不繁簿書恆簡退食之暇猶得與翰墨爲伍家君生平留心
著述因命進邑中諸士大夫賢耆老輩告以志書久闕宜補
尙共加意僉謂某等矚望已久敢不各就所見聞以襄僉舉
於是或以遺篇惠教或以片楮紛投以至潛踪幽跡撫拾靡
遺斷碣殘碑搜錄殆徧大抵歲月雖遙而都記未泯恍然百
三十餘年之流風軼事皆在耳目間而余初未敢率略也傳



云信以傳信疑以傳疑又云所見異辭所聞異辭所傳聞異
辭以今證昔世遠風微苟涉頗類奚尚編纂迺侍家君晨夕
校讐汰其煩蕪辨其舛謬事必綜括顛末文必研晰字句羅
中丞舊本具在因得增輯成集殫今日之鉛槧供將來之筆
削邑雖褊小庶幾繫轅拊缶藉以少留文獻云爾惟是寒風
辨物山谷險瘠濫膺民社深懼隕越勉思仰酬
當宁寵畀之一命克副

制府

中丞 方伯 臬憲 道 郡各上臺告誡周詳培植優渥
之盛心流覽志乘吏治彰彰高山仰止之懷方且望甘泉而



不勝嚮往家君進命曰邑以誌重尚無忘人以志傳也夫謹
拜受厥訓而錄諸簡端康熙四十年夏四月上浣之吉
賜進士出身知淳化縣事長州張如錦倬庵撰

舊序四

淳化京兆之瘠邑也入谷口盤陀石留四十里施剝環結依
麓成城北望原野屋廬如晨星炊煙數縷大抵倚邱壑爲穴
居每念軒皇合宮肆覲天下固多形勝何獨以此莽曠窳穡
之鄉爲羣后所觀瞻也况秦皇漢武喜功好大周原陸海何
地不可以行幸顧置茲瓌題雲篆至今載在圖記皆深省榮
确間意者滄桑屢變陵谷顛遷世固有再過而邱墟者矧千

百年乎翠華拂雲青嶂迎輦之日卽民間墾雞籬犬當不若
是之落寞可知余閒從耆舊聽話當全盛時城市托處者徧
內外望族高華填北其間賈區儲胥裨販阜通力穡者衆礎
甌無土滿之患較之繡壤花封雖豐歉有間頗堪臥理焉迨
萑苻伏莽加賦篋困窮慘牢蕩然物力遂致大屈加以旱蝗
沴厲輕去其鄉民之能自存者蓋寡迨我

國家休養生息數十年而猶未臻其盛識者以爲拊綏安集
端惟良有司是賴歲在己卯月當陽復正疇發祁寒之侯而
倬庵張公以江左人才調任檄至之日邑之人如望歲焉如
望慈父母焉而公果適愜所望也清操廉節本於至性縮符

甫歲餘善政不可枚舉要以裁浮濫崇儉樸省徭役息詞訟
至於訓課後進賞奇析疑嘉惠單寒解衣推食無論已未列
宮牆者莫不欲歌欲泣而且功之重於垣墉者雖積廢必興
利之便於津梁者卽艱鉅克任殆駸駸乎各有成緒而益信
其能愜所望也太翁循齋先生文學宗工夙負藝林月旦海
內至今傳誦介石堂書不置公以家學淵源早歲成進士奉
先生起居養志凡所措施皆稟承恐後於是先生出其著述
之餘力肆考旁羅采及葑菲欲以補淳化之闕略因命公曰
志所以佐吏治屬要務不可緩茲邑自羅中丞載筆後鮮繼
之者歲月遞遷缺略實多身在地方可勿罷勉從事公唯唯

受意旨余間得過從每羨室有懸魚門堪羅雀菽水之餘頗
極翰墨之樂當其呵凍含毫焚膏繼晷不數月纂述告竣將
竭力付梓乃不鄙固陋命爲序余自惟樗櫟散材伊吾二十
年嗜懶藏拙跼蹐斗食所謂紅蠶緣於枯桑其繭不黃者與
顧妄度君子之心無亦憫其若窳佗際而欲挈諸丹鉛之末
也公蓋仁人也令子也賢父母也異日治行

上聞膚寸之雲不踰時霖雨天下古人云三立公直以一身兼
之而以淳化爲之兆志雖一節紹往開來厥功偉焉余幸際
其成而僭述大要如此時

康熙辛巳夏五月朔署淳化縣教諭古陳寶李一鵬伯翔拜

docsriver 文川网
入驻商家 古籍书城

在文川网搜索古籍书城 获取更多电子书

撰

舊序五

淳化故無志嘉靖庚戌鄒州志成載縣事紀六略在頃縣令
閻伯度湯文東欲創縣志以命屬草稿焉余辭未遑也二人
者留贖金以去隆慶庚午春和童公復之視篆政在風化
建名宦鄉賢二祠乃屬二三子而告之曰二祠立風存彰矣
無志焉後將何傳述余前稿顧余年者醫學荒落文辭不修
不足以彰往蹟宣人文也余甚懼焉且舊無志可據縣未建
時雲陽三原錯置甘泉郊天之墟帝王警蹕頻紛載籍難出
漫無統紀乃蒐羅校正得諸故牘及今耳目昭著者彙集成

卷八帙覈實紀事不以野傳疑訛者參之亦欲以傳信將來也至其損益訂定則俟後之作者焉隆慶四年四月穀旦羅廷繡志

舊序六

淳化志成以後敘屬余余以志與史相表裏者也郡縣志亦史氏遺旨君子觀民風而思志之不可以已也然纂次所及微闡交用管觚始操袞鉞由分其封域沿革山川形勝城郭宮室之制土田物產之良可按圖而舉至別師尹淑惹議論人才短長錯綜古今民物事變酌忠臣孝子幽人烈女名狀非先懸鑑於心卽無以昭勸戒勵風俗公是非未得爲信史